

广东通志

广东通志

廣東通志卷二百二十九

甲子重刊

古蹟畧十四

寺觀一

廣州府

南海縣

光孝寺在南海縣西北一里

大清一統志

虞翻廟在

南海縣西北三里

元和郡縣志

寺乃南越趙建德之宅

虞翻之園囿也相傳六祖祝髮于此圖經云本乾

明法性二寺後併爲一又云院有訶子取西廊羅

漢院井水煎湯頗能療疾如此則又有羅漢之名

當不止乾明法性二寺也

方信孺南海百詠

吳虞翻居此

多植蘋婆訶子樹名曰虞苑晉隆和中僧尉賓創

爲王園寺

黃志

劉宋永初間陀羅三藏飛錫至此指

訶子樹曰此西番訶梨勒果之林宜曰訶林遂創

戒壇預識曰後當有肉身菩薩於此受戒梁天監

元年智藥三藏自西竺國持菩提一株植於壇前

唐儀鳳元年六祖慧能祝髮樹下因論風幡建風

幡堂宋太祖改爲乾明禪院紹興二十年改爲報

恩廣孝寺後易今名

金志

咸淳五年重修

謹案宋陳宗禮有重

修法寶輪藏殿
記載金石畧

元明屢經修建有睡佛閣

國朝順治六年僧今盥修康熙十一年東莞人蔡元

真以寺頽廢請平靖兩藩重新之有碑記

金志

寺又

名法性寺有米元章書三世佛名稍北爲六祖殿

前爲菩提壇壇側爲髮塔其東南爲達摩井西爲
五祖殿循廊而東爲風幡堂堂前有池泓然又東
有偽漢鍊塔又東爲譯經臺洗硯池房融筆授楞
嚴處西廊復有一塔規制差小粵城內外古道場
以光孝爲第一氣象古樸殊乎他刹六朝以還名
僧居此者曇摩耶舍求那羅跋陀智藥三藏初祖
六祖印宗法師波羅末陀般刺密諦仰山通智禪

師憨山德清法師天然函是禪師

王士禎廣州游覽小志

唐釋法才光孝寺瘞髮塔記佛祖興世信非偶然
昔宋朝求那跋陀三藏建茲戒壇豫識日後當有
肉身菩薩受戒於此梁天監元年又有梵僧智藥
三藏航海而至自西竺持來菩提樹一株植於戒
壇前立碑云吾過後一百六十年當有肉身菩薩
來此樹下開演上乘度無量衆真儒佛心印之法

王也今慧能禪師正月八日抵此因論風幡語而
與宗法師說無上道宗踴躍忻慶昔所未聞遂詰
得法端由於十五日普會四眾爲師祝髮二月八
日集諸名德受具足戒既而於菩提樹下開單傳
宗旨一如昔識法才遂募眾緣建茲浮屠瘞禪師
髮一旦落成八面嚴潔騰空七層端如湧出偉歟
禪師法力之厚彈指卽遂萬古嘉猷巍然不磨聊
敘梗概以紀歲月云儀鳳元年歲次丙子吾佛生
日法性寺住持法才謹識

劉言史廣州王園寺伏日卽事寄北中親友詩南
粵逢初夏東林度一朝曲池煎畏景高閣絕微颿
竹簟移先灑蒲葵破復搖地偏毛瘴近山毒火威
燒衰汗絺如濯親牀枕並燒墮枝傷翠羽萎葉惜
紅蕉且困流金熾難成獨酌謠望霖窺潤楚思吹
候生條旅恨生烏澣鄉心繫洛橋誰隣在炎客一
夕壯容銷

明孫賁光孝寺詩雨葉菩提樹天花簷蔔林塵機
方外息幽趣靜中深野色連香積秋聲雜梵音隨
緣僧供裏余亦長禪心

何維柏菩提壇詩清齋飯罷暮鐘時塔裏傳燈樹
影移僧在上方秋寂寂月生東海夜遲遲風幡著

相心先動明鏡非臺性自知却笑

國

黃梅畱偈別三更衣鉢使人疑

灌木招提春雨餘偶來方外遊踪蹟似間居清池
浮水薤碧藻耀文魚輕颺散訶林葵樹交扶疎灼
灼佛桑花紅艷驚珊瑚迨昔賢迹俯仰懷赤烏
孝廉自英雄江左盛文儒魯周闢外寄張顧府中
趨如何虞仲翔獨此悲向隅青蠅爲弔客千載同
歎歎

朱彝尊同陳五子升過光孝寺詩浩劫虞翻宅沙
門大士居寒烟萬井外春樹六朝餘是日風幡動

諸天夕照虛更尋濠

上樂偶坐一觀魚

程可則復至訶林詩向夕城西隅再踏虞翻苑選

勝不知勞適興忘近遠開士導我行亭臺逦迤轉

返照侵我衣餘風冷然善池水幽復深風幡定還

捲浮圖法象吼臥閣香螺偃當年面壁人遺泉清

可緬暮鳥天際還仙梵空中

演忽聞鐘磬音一徑松烟晚

筆授軒卞山老人作記云昔制止鉢刺密諦彌伽
釋迦對譯楞嚴經於此唐相國房融筆授之後蔣
穎叔以筆授名其軒有石硯乃祁寮得于張季方
家至今尙存軒今在光孝寺中蓋薌林向公子誼
所復且有雲龕李公祁書榜及畫相國胡僧刻之
于石

南海百詠

華林寺在西南一里梁普通七年達摩從西竺國
泛重溟三周寒暑至此始建

國朝順治十一年宗符禪師重修環植樹木成叢林

郝志

今名西來初地

嶺海名勝志

淨慧寺千佛塔在州西淨慧寺端拱中郡人林修

建古井九環列基外有巨鼎藏劒二鏡一瘞佛牙

於其下劉氏長壽寺也劉之宗女爲尼居之塔高

二十七丈輿地紀勝在府西北半里卽舊寶莊嚴寺寺

有舍利塔梁大同三年創寺唐高宗時重修宋端

拱中改今名塔後毀元祐間郡人林修建千佛塔

黃志謹案宋趙叔益有千佛塔記載金石畧紹聖中蘇軾顏曰六榕明

洪武六年毀其半以建永豐倉惟存塔及觀音殿

八年僧堅愈於塔東重創佛殿啓門東向仍曰六

榕金志二十八年併入西禪寺永樂九年復爲本寺

郝志

明黎民表登六榕寺浮圖詩寶鐸搖青漢金輪逼紫微衆香攢秀拱九級廠瓊屏仙樂飄空下天花

雜雨飛萬形紛萃崱千仞轉高巍檻頰霆相激
開月吐輝侵雲看樹小入海見山稀側足應忘險
觀心擬息機永言齊
浩劫更拂六銖衣

化樂成塵土興聖猶兼覺性誇西七寺詩文殊千
佛顯真乘水月光中見定林昭瑞當時連集福咸
池今日應奎參南七寺詩并軫南宮煥寶光千秋
古勝並延祥祇今兩寺無名字地藏旁聯四寶方
北七寺詩國清尊聖北山隅證果報恩同一區地
藏荒蕪并報國尙餘悟性斗牛墟

南海百詠

懷聖寺在府城內西二里唐時番葬所創明成化
四年都御史韓雍重建雷達官指揮阿都刺等十
七家居之

黃志

番塔始于唐時曰懷聖塔輪囷直上

凡六百十五丈

黃志作高一十六丈五尺

絕無等級其穎標一

金鷄隨風南北每歲五六月夸人率以五鼓登其

絕頂呼佛號以祈風信下有禮堂歷代沿革載懷

聖將軍所建故今稱懷聖塔

南海百詠

明洪武二十年

金雞墮於颶風

金志

謹案塔在南海縣之番塔街俗呼光塔今有回回寺在其左卽禮拜堂之故址也程史海獠事別見

海珠慈度寺舊在州東南漢大寶間建歲久頽圯宋寶祐中郡人李昂英捐資與僧鑒儀徙創江心海珠石上仍名慈度侍郎王埜書額寺前有文溪

祠

黃志

宋蘇軾遊海珠寺詩朝市日已遠此身良自如三杯軟飽後一枕黑酣餘蒲澗疎瑾曉黃灣落木初

天涯未覺遠
處處各樵漁

明李伯震詩海上禪扉記昔遊黃金鼇背踏清秋
天花影覆盤陀石舍利光生杜若洲足底潮聲來
合浦望中雲氣接羅浮老僧不

管人間事閒對滄浪數白鷗

海瑞海珠寺詩南海驪龍不愛珠水心擎出夜明
孤雲流上下天浮動月浸空濛地有無兩岸交花
搖彩檻千艘橫浩散飛鳧卽看
佛寶連金界全勝仙人弄玉壺

國朝程可則海珠寺同梁藥亭賦曾聞清淺說蓬萊
海水迎潮去復來不信石鼇能作柱早憐鏤鎖已
成灰天竺文室鼉鼉關日落江城鼓角
催庾嶺登臨易惆悵欲將身世問黃梅

謹案偽漢大寶間創二十八寺於郡之四

方以應列宿此其一也寺在海珠石上東

西二江水環之雖巨浸稽天不能沒語云

南海有沈水之香亦有浮水之石謂此也

寺傍文溪祠環以雉堞兵衛森嚴今成重

鎮矣

大通寺在河南大通津上寺前後老檜幾百株婆

娑掩映天寶間所植

南海百詠

五代劉晟時名寶光寺

宋政和六年經畧使覺民題賜大通慈應禪院相

傳達岸禪師住此化去有肉身祈禱輒應明萬厯

六年大旱迎至詞林禱雨隨降復欲迎回本寺輿

重舉之不動日久寺廢其地為豪右所據

國朝康熙六年郡人蕭子奇贖地建復

別買田地基塘五十五畝

環寺植樹千株焉

郝志

寶陀寺在靈峰山寺有寶陀佛因名焉宋蘇軾謫

惠州舟泊於此感夢遂爲詩云靈峯山上寶陀寺
白髮東坡又到來前世得雲今我是依稀猶記妙

高臺黃志明太監韋眷重修金志

謹案蘇詩注靈峯山一作靈洲山明倫以
訓有重修靈洲山寶陀寺記

崇福寺在金利山下有閣臨江標曰鑒空東坡詩
牌揭其上蓋當時臨賦處也洪邁容齋續筆

祖師寺一在泌冲都宋淳祐二年建元至正間兵
毀一在鼎安都龍津頭元至順元年建明嘉靖中

修府志

西華寺在南海石門明成化八年都御史韓雍建

內有刺史吳隱之祠郡人袁昌祚記

志

西禪龜峯寺在城西四里殿後石形如龜故名明

提學魏校改建大學士方獻夫祠

國朝順治中復修顏曰西禪總督李棲鳳有文紀之

大佛寺在南門右舊龍藏寺遺址後改爲巡按公

署康熙三年平藩建有碑記

塔坡寺在南海佛山堡

俱同上

白雲寶震寺在西樵山之西

西樵遊覽志

羅漢院在南海秀羅山宋余靖有廣州羅漢院記

大清

一統志

宋余靖記孔子曰可與適道未可與權則知道者聖人之中正也守常而不可變權者聖人之輕重

也應變而隣於譎權之時用大矣哉佛氏生於西域與諸華土壤斷絕殆將萬里其滅度後且千歲摩騰竺法蘭始持其書踰葱嶺至東土當時未之識也迺漢明秘夢以肖其像復築鴻臚外館以居其徒繹其梵音以通華言諷誦講說日漸月漬自是迄今又且千載天下之俗雲蒸波委秀眉之老毀齒之童服役其事唯恐在後百戶之邑十家之鄉鐃鼓梵唄未嘗可闕其故何哉蓋佛以大權籠萬化歸於至理而已其爲教也禁殺伐斷淫妄崇布施重懺悔性命之說付之通博之士因果之論精入鬼神之域使賢者務修愚者生怖同歸於善也且夫蠓飛蠕動含生之倫莫不畏苦而趨樂圓首方足最靈之品莫不歧高而好勝而況血氣充於內嗜欲誘於外不足而後爭有餘而後肆欺誣巧僞皆欲勿爲而不能已也非權曷以誘之哉嗚呼人羊相噉生死循環一念作惡流入胎卵有知之所同懼也高賢厚產逐利不休暫持所愛則獲福報常情之所樂爲也欺天罔上造惡者衆懾心自悔罪卽消滅衆人之所願聞也死喪之哀五情潰亂聞有遺教俾其薰修能餉亡者往往善處則雖捐軀破產無所靳吝孝子之不忘其親也迺知浮屠塔廟相望於野不爲過矣南海諸越之冠邑